

畿輔通志卷二百十三

列傳二十一 元三

元

永平府

姚樞

葛宏

王仲仁 父統子

孫祥

王仲添

王榮祿

孟國寶 弟國祥

楊紹先 子塾

姚燧

路進興

張昇

任伯仁

張德

李彥忠

王孚

龐遵

周宏

齊泰

崔煜

梁訥

河間府

鄭義

弟德溫
江子郇

德溫子澤

江

賈茂宣

李載

岳元鎮

夏大亨

王璠

郝稱

李京

劉濟

張之賢

王居仁

劉遵

安汝明

王欽禮

朱友亮

榮溥

馬澤

段文瑞

侯秀

天津府

劉正

劉榮祖

陳顥

楊禮

李克允

正定府

邱順

弟常琮
子澤

子浹

族弟琮

王守道

邸亨

董文炳

子士元
士選

董文蔚

董文用

子士廉

董文直

董文忠

子士珍
孫守簡

趙良弼

父慤 兄良貴 良貴子謙
慤從子良材

鄭溫

子釭 銓
鏞

張礎

高鳴

賈居貞

子鈞

王慶端

兄慶淵 從
父子思義

許辰

皇全

張延

楊湜

張文瑞

李仲

甄壁

張翼

趙謙

張節

高健

董珪

朱顯

王思廉

王約

安松

子熙 照

哈珊

李元禮

把里哈雅

祖巴喇珠

王元父

卻廣

曾孫祥

郝思義

樊懋仇

鄭大中

舒蘇

龐公

何體仁

史墳

李士興

倉振

鄧巨川

蘇天爵

父志道

宋秉善

劉繼先

王良

楊俊民

趙宏毅

王祁

宋貞

杜良

張慶

武德政

崔顯

張浹

蘇大年

關思義

張周

元

永平府

姚樞字公茂柳城人後遷洛陽少力學負王佐略楊惟中與
偕觀太宗值南伐詔樞從惟中卽軍中求儒道釋醫卜者會

破棗陽主將將盡抗之樞力辯非詔書意乃蹙數十人逃之
篁竹中脫死拔德安得名儒趙復始見程朱性理之書辛丑
賜金符爲燕京行臺郎中時行臺伊囉幹齊事貨賂以樞幕
長分及之樞拒絕因棄官去攜家之輝州作家廟別爲室奉
孔子及宋儒周惇頤等象刊諸經惠學者讀書鳴琴若將終
身時許衡在魏至輝就錄程朱所註書以歸旣而盡室依樞
以居世祖在潛邸遣趙璧召樞至大喜待以客禮詢及治道
首陳帝王之道治國平天下之大經彙爲八目曰修身力學
尊賢親親畏天愛民好善遠佞次及救時之弊爲條三十曰
立省部則庶政出一綱舉紀張令不行於朝而變於夕辟才
行舉逸遺慎銓選汰職員則不專世爵而人材出班俸祿則
臧穢塞而公道開定法律審刑獄則邱山之罪不致苟免毫

髮之過免罹極法設監司明黜陟則善良姦竄可得而舉刺
閣徵歛則部族不橫於誅求簡驛傳則州郡不困於需索修
學校崇經術旌節孝以爲育人才厚風俗美教化之基使士
不媮於文華重農桑寬賦稅省徭役禁游惰則民力紓不趨
於浮僞且免習工技者歲加富溢勤耕織者日就飢寒肅軍
政使田里不知行營往復之擾攘周匱乏恤鰥寡使顛連無
告者有養布屯田以實邊戍通漕運以廩京都停債負則賈
胡不得破稱貸之家廣儲畜復常平以待凶荒立平準以權
物估卻利便以塞倖塗杜告訐以絕訟原各疏弛張之方其
下書奏世祖奇其才動必召問且使授世子經憲宗卽位詔
凡軍民在齊拉衮山南者聽世祖總之世祖旣奉詔宴羣下
罷酒將出遣人止樞問曰頃者諸臣皆賀汝獨默然何耶對

曰今天下土地之廣人民之殷才賦之阜有加漢地者乎軍
民王盡有之天子何爲異時廷臣間之必悔而見奪不若惟
掌兵柄餘皆付之有司則勢順理安世祖曰慮所不及者乃
以聞憲宗從之樞又請置屯田經略司於汴置都運司於衛
轉東於河以圖宋憲宗大封同姓敕世祖於南京關中自擇
其一樞曰南京河徙無常土薄水淺渴鹵生之不若關中厥
田上上古名天府陸海於是世祖願有關中王子從世祖征
大理至察遜諾爾地夜宴樞陳宋太祖遣曹彬取南唐不殺
一人市不易肆事明日世祖據鞍呼曰汝昨夕言曹彬不殺
吾能爲之樞馬上賀曰聖人之心仁明如此生民之幸有國
之福也明年師至大理城飭樞裂帛爲旗書止殺之令分號
街陌由是民得相完保或譏王府得中土心憲宗遣阿勒達

爾大爲鉤考置局關中以百四十二條推集經略宣撫官吏
下及征商無遺世祖聞之不樂樞曰帝君也兄也大王爲皇
帝臣也事難與較遠將受禍莫若盡王邸妃主自歸朝爲久
居謀疑將自釋及世祖見憲宗皆泣下竟不令有所白而止
因罷鉤考局世祖卽位以樞宣撫東平旣至郡置勸農檢察
二人爲監均賦役罷鐵官中統二年拜太子太師樞曰皇太
子未立安可虛設官稱以所受制還中書改大司農樞奏曰
昔太宗詔孔元措襲封衍聖公卒其子與族人爭襲訟之潛
藩帝時曰第往力學俟有成德達才我則官之又曲阜有太
常雅樂憲宗命輦其歌工舞郎與樂色俎豆至日月山帝親
臨觀飭東平守臣員闕統補無輟肄習且陛下閔聖賢之後
詩書不通與凡庶等旣命洛土楊庸選孔顏孟三族諸孫俊

秀者教之乞真授庸教官以成國家育材待聘風動四方之美王鏞鍊習故實宜令提舉禮樂使不致崩壞皆從之俄詔赴中書議事及講定條格

元史

樞奏內地之民不耐勞苦第可

使出財以資圖用西京北京諸路之民習武耐勞可盡復其差賦充本路保甲屯田漢軍除守禦外可選三萬屯燕京東西置營以壯神都左右中三衛從此起

姚燧撰神道碑

李壇謀叛帝

問卿料如何對曰使壇乘吾北征之釁瀕海擣燕閉關居庸惶駭人心爲上策與宋連和負固持久數擾邊使吾罷於奔救爲中策如出兵濟南待山東諸侯應援此成擒耳帝曰今賊將安出對曰出下策初帝嘗論天下人材及王文統樞曰此人學術不純以游說干諸侯他日必反至是文統果因壇伏誅四年拜中書左丞奏罷世侯置牧守或言中書政事大

壞帝怒省臣罪且不測樞上言太祖開創跨越前古施治未
遑自後數朝官盛刑濫民困財殫陛下天資仁聖自昔在潛
邸聽聖典訪老成日講治道如邢州河南陝西皆不治之甚
者爲置安撫經略宣撫三使司其法選人以居職頒奉以養
廉去汙濫以清政勸農桑以富民不及三年號稱大治諸路
之民望陛下之拯已如赤子之求母先帝陟遐國難並興天
開聖人讚承大統卽用厯代遺制內立省部外設監司自中
統至今五六年間外侮內叛繼繼不絕然能使官離負債民
安賦役府庫粗實倉廩粗完鈔法粗行國用粗足官吏遷轉
政事更新皆陛下克保祖宗之基信用先王之法所至今創
始治道正宜上答天心下結民心睦親族以固本建儲副以
重祚定大臣以當國開經筵以格心修邊備以防虞蓄糧餉

以待歉立學校以育才勸農桑以厚生是可以光先烈成帝
德遺子孫流遠譽邇者伏聞聰聽日煩朝廷政令日改月異
如木始栽而復移屋旣架而復毀遠近臣民不勝戰懼惟恐
大本一廢遠業難成爲陛下之後憂國家之重害帝怒爲釋
至元十年拜昭文館大學士詳定禮儀事其年襄陽下遂議
取宋樞奏如求大將非右丞相安圖知樞密院巴延不可十
一年樞言陛下降不殺人之詔巴延濟江兵不踰時西起蜀

川東薄海隅降城三十戶踰百萬自古平南未有如此之神

捷者今自夏徂秋一城不降皆由官軍不思國之大計利財
剽殺所致宜申止殺之詔使賞罰必立恩信必行聖慮不勞
軍力不費矣又請禁宋鞭背黥面及諸濫刑十三年拜翰林

學士承旨

元史

十四年旱飢樞請醪醴麴蘖及祈神賽社之費

悉禁絕之

名臣事略

十七年卒年七十八諡曰文獻樞天質含宏

而仁恕恭敏而儉勤未嘗疑人欺已有負其德亦不留怨憂

患之來不見言色有來卽謀必反復告之

元史

至大三年追封

魯國王

元史類

子煒仕爲平章政事從子燧有傳

元史

葛宏灤州人金末歲饑竭力贍恤全活數百人元初辟爲石

城尹

灤州志

王仲仁樂亭人父統剛毅有力金末爲裨將從鎮高麗東方

以甯元初仲仁從奇渥擊信安兒有功授左監軍取金汴蔡

擢先鋒西蜀事平賜璽書銀符中統初陞大都大同眞定等

路奧魯都總管撫蓄將士恩威兼至卒贈鎮國上將軍子珪

襲官從攻四川至元二十年授武略將軍商州知州兼諸軍

事接人謙抑政事秩秩有條商人德之祀陝西名宦至元末

陞宣命武節將軍成都路總管官治中兼奧魯等諸軍事

平永

府志仲仁孫祥

案趙簡撰墓誌作珪曾孫誤據永平府志正

字興國至元間從父武

略將軍璽

案永平府志作珍所載互異

屯河口與南兵戰冒矢石發九矢

斃九人下高郵絕糧道明年父沒於陣以廕補侍御親軍忠

顯校尉八年賜金牌進武義將軍十九年陞武略將軍親軍

千夫長累章求退許之大德七年卒年七十有九後贈金吾

上將軍政行兵馬都元帥

趙簡撰墓誌

王仲添灤州人爲元帥副統膽略過人時金主奔汴梁信安

水軍張進嬰城固守時賊出沒封境騷動仲添訓練兵農且

耕且戰爲持久計寇至城下都統趙簡松陷於敵仲添哭入

陣中攜之出獨殿而歸戊子寇復至眾寡不敵力戰死之

灤州

志

王榮祿遷安人通兵書有謀略以旗軍總從世祖征伐所向

克捷累遷至昭武大將軍河南路總管鎮西夏撫番有方加

都元帥輔國上將軍

永平府志

孟國寶樂亭人中統初仕至太守弟國祥中統間仕興元軍

判官俱有能聲

樂亭縣志

楊紹先樂亭人中統三年進士至元中授集賢院司直學士

德行文章爲世推重子塾仕至濟南路厭次縣尹工篆書能

世其家

永平府志

姚燧字端甫翰林學士承旨樞之從子也生三歲而孤樞隱

居蘇門謂燧蒙暗教督之甚急燧不能堪楊煥止之曰燧令

器也長自有成爾何以急爲且許醮以女年十八受學於許

衡未嘗爲文視流輩所作惟見其不如古人心弗是也二十

四始讀韓退之文試習爲之人謂有作者風稍就正於衡衡亦賞其辭且戒之曰弓矢爲物以待盜也使盜得之亦將待之文章固發聞士子之利器然先有能一世之名將何以應人之見役者哉至元八年衡以國子祭酒教貴冑奏召舊弟子十二人燧自河內驛致館下

案河內原作太原錢大昕元史攷異云姚燧撰白棟墓碣

稱魯齋先生奏召舊弟子散居四方者以故王梓自忤韓思永蘇郁自大名耶律有尙自東平孫安與高凝燧燉自河內劉李偉呂端劉安中自秦獨公自太原十二人皆驛致館下蓋燧由河內應召至闕下所云公者謂白棟也傳謂燧自太原者誤初爲秦王府文學未幾授奉議大夫兼提舉陝西四

謹改正

川中興等路學校十二年以秦王命安輯庸蜀明年漢嘉新附入諭其民又奉命招王立於合州又明年撫循夔府凡三使蜀皆稱職十七年除陝西漢中道提刑按察司副使錄囚延安逮繫註誤皆縱釋之人服其明快調山南湖北道按部

澧州興學振民孜孜如弗及二十四年爲翰林直學士二十七年授大司農丞元貞元年以翰林學士召修世祖實錄書成大德五年授中憲大夫江東廉訪使移病太平九年拜中奉大夫江西行省參知政事至大元年仁宗居藩邸開官師府燧年已七十遣正字呂洙如漢徵四皓故事起燧爲太子賓客未幾除承旨學士尋拜太子少傅武宗面諭燧燧辭謝曰昔臣伯父樞嘗除是官尙不敢拜臣何敢受明年授榮祿大夫翰林學士承旨知制誥兼修國史四年得告南歸卒年七十六諡曰文燧先在蘇門山時讀通鑑綱目嘗病國統散於逐年不能一覽而得其離合之概至告病江東著國統合離表年經而國緯之如史記諸表將附朱熹凡例後復取徽建二本較讐得三誤焉序於表首略曰其一建安二十五年

徽本作延康元年凡例中歲改元在廢興存亡之際以前爲正當從建本於建安二十五年下注改元延康其二章武三年徽本大書三年後主禪建興元年建本無三年則昭烈爲無終徽建皆曰後主於君臣父子之教所害甚大是起十四卷盡十六卷凡曰後主者皆失於刊正也當於三年下注帝禪建興元年明年大書帝禪建興二年庶前後無齟齬也其三天寶十五載注肅宗皇帝至德使上同於開元三者均失而建安之取至德之去統固在也若章武之距建興纔三年耳遽有帝父主子之異豈不於統大有關乎燧之學有得於許衡由窮理致知反躬實踐爲世名儒爲文閎肆該洽豪而不宕剛而不厲春容盛大有西漢風宋末弊習爲之一變蓋自延祐以前文章大匠莫能先之當時孝子順孫欲發揮其